

福建通志

鄭貞文署



地31°
42
經119°00



福建通志

陳儀



中華民國二十
七年八月刊竣

重修福建通志序

志者記也省志記全省之歷史也凡山川風土及已往之事實誌之於書即成為歷史設年久無書則沿革情形無所稽考雖然省志之重要盡人皆知之矣然歷時長遠必須增修庶編簡留貽無間斷闕遺之憾閩省重修省志始自民國五年經二十餘載之努力今始成書內容豐富蔚

然可觀茲據教育廳長鄭貞文先生稱省志出版在即乞余一言余以鄉邦文獻之事雖愧不文勉綴數語以報之
民國二十八年春仲林森謹叙於國府之西齋



陳序

新修福建通志，費時二十餘載，糜款二十餘萬圓，始乃歲事。稿既殺青，爰書數語於簡首。

夫方志之由來舊矣，縣有縣志，省有省志，其爲書也，汗牛充棟，第夷考其實，大抵掇拾掌故，矜誇鄉賢，侈陳名勝，標榜辭采。其雅馴者，文人遊戲，小記短書，清言叢說而已耳；鄙俚者，文移案牘，江湖遊乞，隨俗應酬而已耳。吾鄉章實齋先生，蓋嘗慨乎其言之矣。卽其義例整飭，剪裁謹嚴，合乎史法，確具史識，而成一家言者，亦唯表章文獻，整齊散逸，供文人學士之賞覽，爲師古好古者所什襲珍藏，而不能爲黎庶解渴療飢，爲有司施政敷教之裨補也。夫世事隨時代而遷變，學術更日新而月異，前代方志，類目部門，雖聚訟紛紜，莫衷一是，而詮次排比，要不

能脫舊籍之窠臼。

謂其能賅括現代嬗變無窮之事與學，蓋難言之

福建通志

陳序

一

矣。且疆域道里，山川阨塞，非經精密之測量，則地理之志，方輿之圖，可供覆瓿之用。戶口賦役，征權泉幣，非經準確之統計，則食貨之志，平準之書，均爲模糊影響之作。典章制度，非證諸歷史背境，參諸法理人情，則羅列律令，徒成無用之長物。物產土宜，非先之以地質之探勘，氣候土壤之測驗，則敷陳名色，僅等充飢之畫餅。是故後之修志者，不僅繩墨有所不可得而拘，類例有所不可得而泥，卽諸先決條件，亦有宜先事具備者矣。一言以蔽之：修志必須以科學爲準繩，非可專以詞藻相誇尙；修志當有裨於國計民生，非徒供文人雅士之玩賞已也。抑有進者：國人厚於一鄉一邑之愛，而薄於國家民族之愛，言鄉邦名物，如數家珍，言國族利害，則漠然若不關痛癢。雖愛國衛國，當自邇及遠，而充此親親相殺之義，勢將人人僅知有鄉，而不知有國。爰是而鄉土觀念，充沛乎國中，歷數千祀而不變；在政治，則形成

割據狀態，在思想，則缺乏民族意識，國家觀念，及創造精神。此其原因，雖非一端，而方志朋興，亦未嘗不爲之厲階也。且有氏族之略，而齊民不得與名門望族，分庭抗禮；有選舉之考，而青年學子，羣趨於科第一途；有文苑之傳，而士大夫乃競尙風雅，不事實學。此又宗法觀念，封建思想，與浮華之習之所由變本加厲也。新修福建通志，經始於民國五年，論其內容，難免以上諸弊。但當余蒞閩時，志稿已纂成十之七八。若不繼續編印，則功虧一簣，亦覺可惜，因撥款二萬圓完成之。所望後之修志者，僅以斯志爲參考資料之一，並望讀斯志者，推其愛鄉衛鄉之心於國家民族，是則余此序爲不虛作矣。

中華民國二十七年九月紹興陳儀序

鄭序

民國五年本省開局續修省志十二年縮為校刊局後陷停頓已刊者計八十本二十四年省政府請石遺先生廣續其事仍歸民政廳主管二十六年秋石遺先生逝世陳公治主席以為省志賢時逾二十年用款越二十萬元乃囑教育廳續成限期半年經費則就二十六年度預算項下二千元開銷貞文乃委廳員魏應麒着手整理就已編未刊之稿先行付印續得三十本其餘續稿詢諸石遺先生後人迄未出乃于二月派員續編古人比擬著述謂如天衣無縫蓋以該天完之作也完整之作必出於一人之手或由一人董其成非然者難之故以褚少孫補史記而必不期司馬自作然天下事往往出於事實之不容已者班孟堅死而續成完史乃不得不委其女弟即以近事言之福建道光省志恭甫先生作古而和齋先生乃不得不承其乏故福建新志之編著沈總纂開其始而不克殫其成此壽園先生之遺囑也陳總纂費一十年之精力而溘然長逝功

福建通志鄭序

一

廟一簣此石遺先生之遺憾也乃者東鄰凶橫如滔天巨漲脅風濤而來烽燹屠戮之慘自四千年國史匈奴鮮卑突厥回紇遼金蒙古不得比其萬一與國心志循一軌與競存亡何暇雍容修纂新志未完留待異日亦無人得議其後省政府所以猶為顧及者蓋以增強民族意識鄉邦志書亦一重要之事也藍鹿洲先生有言觀於郡邑之志而知一方風俗之淳樸民生之利病疆域之大小山川形勢之要害戶口田賦兵防學校之盛衰前後有司之賢否忠孝節烈理學經濟高人逸士之屈伸消長較若眉列是以一方之士一方之長需夫郡邑之志也比之國史為尤甚故將提國民之精神而與言愛國不得不自近者始帶礪河山豈容他人窺伺宋明之亡吾閩不少成仁之士誰非激於忠愛國土之念哉非我族類其心必異明乎此而後可與言民族之愛補修新志即茲意也今以數月之期二三國員之力續成新志十餘冊雖不得比天衣無縫彌石遺先生之遺憾然在此生死絕續之交教育廳猶得以餘力廣茲事洵稱幸焉吾

斯志者於鄭所南黃石齋諸先生之學術氣節多所感慨興起而盡吾民
族之責任也至其用工顛末則詳諸續纂後記

中華民國二十七年七月鄭貞文作於福建省政府教育廳

福建通志

鄭序

福建通志修纂沿革史

(一)

福建自晉以後文化始盛而方志之作亦始於此時陶夔以晉太元

十九年公元三九四任晉安郡太守著有閩中記梁克家三山志自序參福州府志卷九例是為福建有方志

之始福建是時分晉安與建安兩郡陶夔閩中記久佚不知其內容僅及

於晉安抑兼建安而並言之否顧野王於梁中大通二年公元五三〇隨父建安

撰有建安地記陳書卷三本傳嗣又有蕭子開之建安記洪氏之建安記若陶夔

閩中記僅述晉安一郡則顧之建安地記蕭洪之建安記適足以補陶氏

之闕自時歟後至唐大中四年公元八五〇林謂復撰有閩中記宋慶歷三年公

一〇林世程重修之兩書久不傳未悉其所述為何惟據四庫總目提要則

亦為一郡之志乘而非一省之總志四庫提要閩書條下有閩自林謂有閩中記宋慶歷中林世程重修之應南宋及元皆無總志等語然此

時吾省方志之著述已盛林世程之外尚有大中祥符四年公元一〇二一吳與之

漳郡圖經慶歷間公元一〇四一宋咸之尤溪縣志元祐間公元一〇九三林通之長樂

福建通志福建通志修纂沿革史

圖經宣和間公元一一二五錢紳之同安縣志紹興三十年公元一一六〇廖拱之延平志

紹興間公元一一二五韓元吉之建寧府志乾道六年公元一一七〇葛元陽之武陽志淳

熙五年公元一一七八李綸之漳郡志淳熙九年公元一一八二梁克家之三山志紹熙三年

公元一一九二趙彥勵之莆陽志慶元四年公元一一九八林光之建安志李皋之鄞江志慶

元五年戴溪之清源志嘉定六年公元一二二三方杰之清漳新志嘉定八年陶武

之連川縣志嘉定間公元一二二〇至一二二四李方子之泉州志淳祐二年公元一二四二趙崇祥之

漳郡志寶祐五年公元一二五七黃巖孫之仙溪志咸淳間公元一二七四宋日隆之連

江縣志以及年代未明之林亦之玉融經陸琰之莆陽志黃葵之上杭縣

志何友諒之武陽志劉淮之嘉禾縣志不知作者之南劍州圖經等或府

或縣各有據述惟因年代久遠已罕流傳所存者不過二三種而已仙溪

志國立北平圖書館藏有鈔本因未寓目不知其體例若何三山志則近

日福州傳鈔之本頗多據梁克家有序謂予領郡暇日訪無諸以來遺蹟

故俗聞晉太康既置郡之一百十三年太守陶夔始有撰記又四百五十

六年至唐郡人林誦復增爲之皆散逸無存獨最後一百九十二年慶曆郡人林世程所作傳於世迄今又一百三十九年興廢增改率非其故闕不書者十九矣乃約諸里居與仕於此者纂集討尋斷簡援據公牘探諸長老所傳得諸閭里所記上窮千載創建之始中閱累朝興革之由而益之以今日之所聞見則此志修纂之動機與經過可知全書四十二卷原名樂志後改稱今名見宋史藝文志原爲四十卷其三十卷凡分九門一地理二十一兩卷乃淳祐中朱彝孫所續入見本志彝孫自序曝書亭集有是書跋議其附山川於寺觀未免失倫四庫總目提要則謂今觀其人物惟收科第士俗時出諸識亦皆於義未安然其志主於記錄掌故而不在誇耀鄉賢修陳名勝固亦核實之道自成志乘之一體未可以常例繩也其所記十國之事多有史籍所遺者亦足資考證視後來何喬遠閩書之類門目猥雜徒瀾耳目者其相去遠矣四庫提要卷六十則八史部地理類一則此書之價值可以想見今日欲考究福建省會掌故者要必以是志稱首

福建通志

福建通志修纂沿革史

二

選焉

(二)

宋代方志之作既盛及明乃蔚成風氣幾於無府無縣無志乘之修纂於是一省總志之要求以起成化間

公元一四六五至一四八七

浦人黃仲昭始因

諸郡之志爲八閩通志八十七卷是爲福建有總志之始此據四庫總目提要語仲

昭自序謂隨事分類爲大目十有八所統小目四十有二每類則合八府

一州之事以次列之其間若地理食貨秩官學校選舉壇廟恤政宮室邱

墓古蹟之類皆因諸郡所采事蹟隨其詳略稍加刪次或遇營建修治之

得宜而可以示法於後世者始備錄之至於人物一類志或有未載及載

而未盡者必旁搜博考尤致其意焉如福之人物舊志俱未有登載今則

以進士郡人林謹夫所輯鄉賢傳及閩邑庠司訓蘭溪鄭瓊所輯郡志采

入莆之人物舊志亦未類萃而歸於一者今則以郡人方先生時舉所著

人物志吳先生源所著名公事迹及今少司寇彭先生韶所輯莆陽志采

入建寧舊志已亡成化初郡守安成劉鉞嘗修之未及成而遷擢遂並携

以去陳公

指本志主修者御用監太監五圭陳公特遣使詣其家訪得之今悉因其所載者

采入延平則有郡庠司訓縉雲樊阜所修志邵武則有前郡守南充馮孜後郡守仁壽劉元所修志泉漳汀三郡志則皆近日郡人所纂輯者今所采人物皆因之又慮局於見聞之偏而於公論有未協也復囑臈部主事莆田宋端儀重考論而去取焉時預纂修者前黃梅司訓三山龔章麗水司訓宗姪洙儒士莆田熊晟張元紳及樊鄭二司訓也終始相成其事惟元紳及洙之力爲多則此志固非成於仲昭一人之手四庫總目提要評其書於輿地之中較爲詳整然以戶口水利列之食貨門中則牽強不倫此創例之未協者也

提要卷七十三史部地理類存目二

部語極中肯

八閩通志成於弘治二年公元一四七〇越八十餘年復有侯官王應山閩

大記之撰全書五十五卷據陳薦夫水明樓集明大記序謂吾鄉王懋宣先生有司辟修郡志爲總裁林文恪公所賞識又修通志會文恪卒中廢

福建通志

福建通志修纂沿革史

三

懋宣收所屬草作閩大記起萬厯戊寅迄辛巳凡若干卷從兄懋復參知公爲之序尋以疾輟令子毓德足以成之自壬寅以後事皆毓德筆也懋宣所撰次率後才具而先品格敘世家則系以徽國作列傳則冠以儒林列名臣而陰以次爲低昂考名賢則別其彙爲論斷撰名宦而不遺流寓錄死事而並及武功才弗可廢品有遺議者悉以雜傳次爲貞節之後若前奸宿佞述國誤朝則又以前鑒附焉則此書之體例及所注意之點可見明人好發議論好以史事爲無聊之褒貶此書實深受當時之影響王應山又有全閩記略閩都記之作

此據四庫提要卷七十三全閩記略之內四史部地理類存目三

容如何今不可知而閩都記則僅爲福州首郡九縣福寧州二縣之志乘

王氏歿時書尙未就後由其子毓德續成之道光十一年公元一八三二陳壽祺

加以重刻板片尙存不難得也

左海文集重刻閩都記序

黃仲昭王應山二氏之作頗嫌草創未備至明末何喬遠乃薈萃郡

邑各志參考前代載記著成閩書一百五十四卷分二十二門曰分野方

域建置風俗版籍扞圉前帝君長文泣武軍英舊方技宦寺方外閩閩島夷靈祀祥異萑葦南產蓄德我私四庫總目提要謂其標目詭異多乘志例扞圉志載兵防及將弁兵士額數而復有武軍志以詳其人文泣志則合職官名宦而爲一分併均失其當前帝志載宋端宗及少帝昺端宗雖卽位於福州然正史已詳不宜復入志中且帝昺卽位於粵之碭洲尤與閩無涉英舊志載人物而復分縉紳弁幹關柝韋布閭巷僑寓裔派爲七類轉覺淆雜宦寺志專載五代林廷遇明張敏蕭敬三人亦非志中所應有蓄德志雜載叢談逸事並及詩話文評於名爲不稱我私志則喬遠自志其宗族雖倣古人自敘之例而稱名不典語多鄙野其文辭亦好刊削字句往往不可句讀蓋不能出明人纖佻矯飾之習明史本傳亦稱其所撰閩書頗行於世然援據多舛云

四庫提要卷七十四
史部地理類存目三

則是書體例之未

善可知然編纂至百數十卷門目既繁則所保存之文獻當甚多且書成於明末亦足以結宋明以來志書之局而集其大成則未可厚非也

福建通志

福建通志修纂沿革史

四

(三)

清代吾省總志始修於康熙年間由鄭開極等修纂凡六十四卷告

成於康熙二十三年

公元一六八四

一定名爲福建通志是爲福建有正式總志之

始康熙鄭志絕不易得今惟國立北平圖書館藏有若吾省則在同治時

志局校刊諸公不僅未見其志且未知曾有此次之修纂如英桂重纂福

建通志序有粵自國朝雍正年間世宗憲皇帝詔天下督撫修志書於是

各省通志次第告成而福建通志於乾隆二年始纂輯成書及粵考乾隆

二年福建通志始有成書之語而林鴻年之序亦有謹考國朝福建通志

始成於乾隆二年凡七十八卷一語

見陳壽祺魏敬中道光通志各家序文

是皆不知有康

熙鄭志者也然在乾隆二年謝道承所成之通志各家序文則皆明言乾

隆二年以前尚有舊志無有以創始自居者如郝玉麟序文之廣延紳士

取舊志之煩瑣瘠結者悉汰除之而益以新所編纂爲卷七十有八及郝

玉麟序表文之開疆拓宇非舊日之七八閩紀月編年去今時已五十

載按距鄭志通起例發凡悉本前人成式拾遺補闕盡皆此日新裁舊志

六十四函今增一十四卷及王士任序文之省志之未修者計五十載見

道承乾隆通志皆志各家序文可為証而四庫總目提要亦明言視舊志增多十四卷庫

提要卷六十八史部地理類一何同治志局校刊諸公竟未究心及此也陳衍修新通志

亦沿其誤且譏四庫總目稱此志視舊志增多十四卷所謂舊志未知何

指若指八閩通志則八閩通志係八十七卷反減少九卷若指鄭開極所

修通志則鄭志始終不傳四庫並不著錄焉知卷數總目此言可謂不詞

矣福建新通志藝文志卷二十八因亦不著錄鄭志於藝文志則不僅沿誤且近於武斷

矣

距鄭志後五十三年當乾隆二年公元一七三七此被誤認為清代創始志

之謝道承劉敬與等福建通志又告完成此次為雍正間奉詔纂修者故

書成之時由閩浙總督郝玉麟巡撫盧焯聯名表上著錄家因又稱為雍

正志或郝志全書七十八卷為類三十四星野建置沿革山川疆域城池

福建通志福建通志修纂沿革史

五

風俗物產田賦戶役典禮祠祀兵制封爵學校公署職官名宦選舉人物

孝義文苑流寓隱逸列女方外技術古蹟外島雜記藝文而卷首弁以繪

圖及聖諭總輯謝道承劉敬與以外有分輯黃呈元胡必奇林世瑄何蘭

張岳姚承漢莊國儀郭金鑑陳發基林在華林溥蔣登瀚廖炳等十三人

四庫總目提要敘此書謂自明立福建布政司分建屬郡以福興泉州漳為

下四府延建邵汀為上四府國朝臺灣既入版圖而福州所屬之福寧亦

升州為府泉州所屬之永春漳州所屬之龍巖又各析置為直隸州建置

沿革多與昔異以舊志相較每與今制不同且福建三面環海港汊內通

島嶼外峙一切設險列戍之要舊志亦多未詳雍正七年承詔纂輯通志

因取舊志之煩蕪未當者刪汰冗文別增新事其疆域制度悉以現行為

斷如沿海島嶼諸圖舊志所不載者皆為詳繪補入足資考鏡於體例亦

頗有當四庫提要卷六十八史部地理類一所敘洵為簡要

謝志成後二十年復有沈廷芳之福建續志全書凡九十二卷成於

乾隆三十三年公元一七六八據廷芳自序謂事例仍前而取義稍別有前志已

載而復補者學宮載聖門弟子祠祀記列祀姓氏是也前志未載而特增

者郡邑添福鼎兵制列海防選舉增詞科是也前志有而易之者方技置

列女之前寺觀附方外之末是也前志有而更其名者我朝差科盡捐載

戶口而不載戶役是也觀此則沈志對於謝志所損益因革之處可知矣

陳衍石遺室書錄評是書凡所徵引悉標書目皆其善於前志者然封爵

既沿舊志無謂之分門理學又蹈宋史無識之別類則其未善者矣福建新通

志藝文志附錄二評語尙有見地

道光八年公元一八二八貢院工成其明年以餘貲開志局重纂福建通志

時距沈志之成又六十年矣主其事者爲制府孫爾準而總纂爲陳壽祺

分纂有高樹然馮登府張紳王捷南陳善沈學淵汪長陳池養林丞英翁

吉士劉建韶林彥芬丁汝恭和吳瑛張際亮羅聯棠饒廷襄等十七人

此據本志職名按謝章铤碑題錄有在任年修福建通志陳恭甫山長掌其事

以方言考屬之何歧壽孝意書成未刊而各家所分著者亦遂秘不出云

福建通志福建通志修纂沿革史六

云今職名分纂無何至道光十四年公元一八三四志稿大體纂成約四百卷而

總纂陳壽祺棄世高樹然繼任總纂以陳壽祺補入儒林長樂梁章鉅時

以方伯家居素與壽祺不睦因聯合省紳條舉通志稿不善者五事儒林

孝義無傳山川太繁鳴之於官請發稿公勘制府程祖洛學政陳用光主

之於是樹然憤而辭職因而志局解體志稿除各分纂分携而去或秘匿

不出以外所存者亦多散失此據高樹然與鄭方伯王觀象論通志並辭

詩記謂梁章鉅携其稿十五年公元一八三五當局改聘魏敬中爲纂修鄭嘉玉

陳世玉林之華鄭國葵余綸光等五人爲協修俾之整集殘篇重加修纂

惟以經費困難弗克開局采訪僅就舊存志稿加以增削由四百卷而賡

爲二百七十八卷其中如高樹然福建通志歷朝宣績錄閩水綱目王捷南閩

中金石志張紳怡亭文集陳氏原稿被刪削之可考者如劉志仁志稿感賦

多自刊刻布於世又陳氏原稿被刪削之可考者如劉志仁志稿感賦

詩註謂原繪山川圖記最精後遺失數圖今凡例亦刪去何則賢藍水書

同治七年

公元一八六八

復由林鴻年商之督撫籌資校刻歷三年刻成

同治十年公元

一八即今日所稱之道光通志或同治通志是也綜計此志經始於道光七年重編於道光十五年脫稿於道光十九年至同治十年校刊方竣中歷四十三載成事之難敗事之易茲可戒矣志分三十三門曰星野省府州縣沿革表疆域山川城池公署壇廟津梁郵驛水利古蹟戶口田賦倉儲編緝錢法鹽法風俗物產典禮學校經籍兵制關隘海防封爵職官宦績選舉人物內分列傳良吏武職文苑儒林列女奇蹟雜錄內分列傳良吏武職文苑儒林列女奇蹟雜錄內分列傳良吏武職文苑儒林列女奇蹟雜錄前賢對陳壽祺等所修之志稿多深致惋惜而意其梗概如謝章铤跋驚載筆圖有職官表綜核可參六典經籍志派別可尋家法方言考通轉可悟小學等語可以爲證實則魏敏中等所重編者亦泰半爲陳氏殘稿魏氏僅以數人之力整集編纂勒成完帙其功正不可沒陳衍石遺室書錄評此志地理沿革山川職官選舉經籍各門皆考訂精審非名手而細心研究者不辦迥非雍正乾隆二志所及至各種列傳之事蹟詳實

福建通志

福建通志修纂沿革史

七

由於採摭淹博貫串精熟剪裁得當其稿本未知出自何人幾歎觀止惟體例之不善者莫如本傳之外另有宦績一門是一人而有兩傳矣夫名列正傳詳其大節而略其小節可也名列正傳而別爲一傳載其宦績已大不可況名列良吏而別爲一傳載其宦績則所謂良吏者又何事蹟乎此斷斷不可者也其他封爵不應特立一門道學不應立傳儒林不應收非經學之人外紀外傳稱名未嘗皆其當更張者矣福建通志卷二十八其持論大體尙覺平允

最後則爲福建新通志之修纂民國五年

公元一九一六

巡按使許世英督

軍李厚基議修新志推沈瑜慶陳衍任總纂陳元凱任提調劉瀛何振岱任協纂沈觀寬葉大琛林蒼陳鉅前林瑚陳敬王慶湘鄭祖庚林孝穎吳炎南陳曉陳謙葉心炯李苑之龔乾義林雪舟等十六人任分纂此外採訪校對贈錄又二十餘人此據陳石遺由沈陳二總纂作成凡例以爲修纂之準則後沈總纂逝世志事均歸陳總纂辦理至其經費初每月二千

四百元由民國五年三月起在各縣申稟費項下加收嗣因省議會有各縣申稟費不應專修省志之議乃由十二月以後每月支二千元以四年為限各縣亦開支縣志費厥後四年期滿又展二年至民國十年為止十一年則改複刊局月仍支二千元以一千五百元為刊費五百元為校費支至是年九月政局變更停止至十二年則每月支維持費四百元十六年一月後月支維持費六百元十九年月支維持費八百元以三年為限期滿此項經費遂陷停頓於是陳總纂以政府積欠修志費為詞呈請撥還三萬元辦理結果省府久未批答至二十四年省府核准撥還二萬元每月五百元分四十個月還清至二十六年七月陳總纂逝世已領三十個月計一萬五千元此見於案牘可稽者也至其向外捐募如劉資穎陳伯潛李拔可等或千元或數百元為數亦多不具錄在核還舊欠之後新志板片方移歸省立圖書館經營未完志稿陸續刊繳省府迄陳總纂逝世志板已刊者達十分之九省府惜茲事功虧一簣乃委教育廳繼續編成其經費

福建通志

福建通志修纂沿革史

八

即以二十六年年度此項未支之款撥用計二千元故時間亦盡二十七年六月修完二十七年一月魏應麟歸自國立編譯館入廳任職貞文即派其着手整理預備編纂二月乃正式派汪涵川魏應麟為編輯幹事省立圖書館館長王孝總為事務幹事開始續編五月又派林元慶為編輯幹事加入工作稿成之後並就正於鄉先生陳海鰲劉敬何振岱張琴高向瀛諸君全稿預計六月移完成隨編隨刻於九月刻竣此志價值自有後人公評亦猶今人之論前人志書也世事遷變學術日新將來續修民國省志者補前人所遺漏立新出之體例則余所欣然企望者也

福建通志凡例

一 本書只名福建通志不加重修續修等名按從前福建通志存者乾隆間本稱續道光間本稱重纂今若復加重修續修等字則無以別於諸本且諸本體例實多未當之處今擬改絃更張循名核實期合於通志二字名義故只稱福建通志

一 前志修於道光年間以前者宜重修以後者宜續修今擬先定重修體例再定續修體例重修體例定則續修者以類相從惟新創各門補前此所無者而已

一 通志體例宜仿正史也周禮四方之志與邦國之志同掌於史臣志即史矣故陳壽之書名志太史公之書稱史記記即志也左史記言右史記動史特官名耳左傳言楚史倚相能讀三墳五典八索九丘墳典即邦國之志丘索即四方之志尙書大傳云天子有問無以對責之疑有志而不志責之丞故鄭曰鄭志宋曰宋志則史之範圍所及皆志之範圍所及也其有不同者禮樂刑法各志爲中國全國所

福建通志 凡例

一

一 公其宗室宦者佞幸四夷各傳及各國載記非一省所有則不載耳各省通志體例宜仿鄭氏樵通志而損益之也通志即通史尙書合虞夏商周爲一書史記上起黃帝下訖麟止皆非斷代之書南北史五代史畧仿其例此鄭氏通志所由作也自班孟堅創爲斷代之史史乃與志異漁仲嘗議之然一代既亡文獻久則無徵斷代之史不可不作不必以此而笑彼也至鄭氏爲全國通志故包羅眾有今通志爲一省之志則如年譜氏族略六書略七音略禮略謚略器服略樂略刑法略之類不以各省而異同者皆所當損餘已詳第三條其當益者另詳

一 方志須首增通紀也天下無無主之國無政之國晉之乘楚之檇杌魯之春秋以至百二國寶書皆國史實皆方志也國語彙各國之政以成書仍以國別之方志之總滙後世一統志所自昉也而冠以周語即鄭氏通志首列帝紀所自昉然猶曰此一統之志也魯史必稱

周禮韓宣子見易象傳春正月必繫周王可知外史之體例矣今各

省通志可謂無主之國無政之國矣官績有傳武功有傳散無統紀

也一省之大治亂分合因革興罷諸大事無從稽考也正史於國家

大事雖散見於各傳各志而必以本紀總其大綱今之通志何嘗不

知其當然於是朝廷大政于本朝則彙詔諭為一門前朝固闕如也

一省之治亂分合多起於戰爭而前志則散見於外紀是外有紀而

為客平亂者為主海防武功各門其尤謬者內地兵事則散見於封

爵一門封爵只宜立一表歸職官類豈能以全省武功屬之且古今

有功而不爵爵而無功者不知凡幾於是又散見於武功武官績各

門可謂茫無頭緒矣竊謂通志之名昉於漁仲漁仲之通志全國之

通志也方志之名通志一省之通志也漁仲通志首歷代本紀方志

亦當首紀歷代大事要政元張用鼎金陵志彙歷代治亂因革興罷

諸大綱創為通紀小儒不知以為若表若志若傳方志皆得為之惟

福建通志 凡例

二

紀不得為其蔽甚矣紀者紀一代之事無所繫繫之於歷代帝王而

已顏師古曰紀理也統理眾事而系之於年月是也今擬削去前志

詔諭一門而仿金陵志之例舉歷代用入行政兵事民事巨案大獄

關於本省者輯為通紀其非關本省者不錄以別於全史之本紀焉

高氏樹然改名為典敢於犯尚書之帝典而不敢犯史記之本紀亦

其蔽矣章氏學誠云後世史事上詳於下郡縣異於封建方志不復

視古國史而入於地理家言則其事已偏而不全又云史之有紀

於呂氏春秋十二月紀史遷用以載述帝王行事而方州之志則多

或於地理類書之例不聞有所遵循是則振衣而不知挈領

詳目而不能舉綱例以義起方志撰紀以為一書之經當矣

年表以時代為經以郡州縣為緯戶口科舉職官陳數題名外無甚

事實者宜用之置域府州縣各有沿革非立表不足以明之漢書戶

口即分載於地理志內今年代既久戶口分併增減非立表不足以

詳之節孝一門無事實者亦宜列表

職官科舉各表當先詳制度後列題名新法各選舉另表附科舉後

通紀各表各列傳皆仿正史稱紀稱表稱列傳惟志一類稱志似與